



Hindenes Hus AS
Postboks 3
5991 OSTEREIDET

Referanser:
Dykkar:
Vår: 19/873 - 20/3139

Saksbehandlar:
Thomas Skår
thomas.skar@masfjorden.kommune.no

Dato:
30.03.2020

Melding om delegert vedtak - søknad om utsleppsløyve - gbnr 59/1 og 59/2, Einestrand bustadfelt

Vi syner til søknad motteke den 14.02.2020.

Dersom du er part i saka med klagerett vil du også få vedlagt saksutgreiinga.

Administrativt vedtak. Saknr: 032/2020

Masfjorden kommune ved rådmannen viser til hamne- og farvasslova § 14 og forureiningforskrifta § 12 og godkjenner søknad om utsleppsløyve for gbnr 59/1 og 59/2, Einestrand bustadfelt.

Søknad med vedlegg mottatt 14.02.2020 vert godkjent på fylgjande vilkår:

- Tiltaket skal plasserast som vist på situasjonskart mottatt 14.02.2020.
- Når leidninga er lagt ut må eksakt plassering meldast inn til Statens Kartverk Sjø for registrering i offentleg tilgjengeleg kart.
- Utlegging av avlaupsleidning må gjennomførast i samrå med eigar av matfisklokaliteten.
- Avlaupsleidning skal leggst på minimum 20 meter under lavaste vasstand, og forankrast slik at den ikkje kjem i konflikt med brukarar av strandsona.
- Utlegging av utsleppsleidning bør skje utanom gytetida til torsken, som er frå og med februar til og med april.
- Ein må unngå at utsleppsleidninga vert hengande oppe i vassjiktet, og ein må nytte lodd eller fester som fiskereiskap ikkje heftar seg i.
- Ved søknad om ferdigattest, skal det sendast inn avtale om tømning av slamavskillar med godkjent renovasjonsfirma.
- Det skal gjevast ferdigattest før tiltaket kan takast i bruk.

Grungjeving: Søknaden er i tråd med hamne- og farvasslova § 14 og forureiningsforskrifta § 12.

Heimel: Hamne- og farvasslova § 14 og forureiningsforskrifta § 12.

Mynde

Saka er handsama og avgjort administrativt i medhald av delegert mynde, jf. kommunelova § 23 nr 4 og gjeldande delegasjonsreglement.

Klage

Vedtaket er eit enkeltvedtak etter reglane i lov om offentleg forvaltning (fvl). Vedtaket kan klagast på til kommunen, jf. fvl. §§ 28-36. Klagefristen er 3 veker frå melding om vedtak er motteke. Det er nok at klagen er postlagt innan fristen går ut. Klagen skal sendast skriftleg til kommunen. I klagen skal det gå fram kva det vert klaga på i vedtaket, og kva endringar ein ønskjer. Klagen skal grunngjevast.

Gebyr

Med heimel i plan- og bygningslova § 33-1 og Lokal forskrift om gebyr for teknisk forvaltningsteneste vert det følgjande gebyr i saka:

Kode	Skildring	Tal	Sum
17.2.1 b)	Utslepp ferskv/sjø: 50 PE < utslepp > 2000 PE	1	6300,-
	Totalt gebyr å betala		6300,-

Gebyret skal vere betalt innan 30 dagar rekna frå fakturadato og før arbeidet kan setjast i gang, jf. pbl § 21-4 (6).

Klage

Gebyr for teknisk forvaltningsteneste er fastsett ved forskrift. Det er ikkje høve til å klage over ei forskrift, jf. forvaltningslova §§ 3, 28 og 40. Det kan difor ikkje klagast over at det vert kravd gebyr, eller over storleiken på gebyret. Det kan klagast over kva punkt i regulativet gebyret er rekna ut i frå. Klage skal vere grunngjeven.

Med helsing

Roald Kvingedal
teknisk sjef

Thomas Skår
sakshandsamar

Dette dokumentet er elektronisk godkjent og har difor ingen signatur

Kopi til:

Blom Fiskeoppdrett AS	Ulvøyvegen 130	5337	RONG
Fiskarlaget Vest	Slottsgaten 3	5003	BERGEN
Fiskeridirektoratet	Postboks 185	5804	BERGEN
	Sentrum		
Fiskeridirektoratet Region Vest	Postboks 185	5804	BERGEN
	Sentrum		
Kystverket	Postboks 1502	6025	Ålesund
Mattilsynet	Felles	2381	BRUMUNDDAL
	postmottakPostbo		
	ks 383		
Nofima AS	Postboks 6122	9291	TROMSØ

Kopi til:

Vestland fylkeskommune	Langnes postboks 7900	5008	BERGEN
------------------------	--------------------------	------	--------

Mottakarakar:

Hindenes Hus AS	Postboks 3	5991	OSTEREIDET
-----------------	------------	------	------------

Saksutgreiing:**1.Bakgrunn**

Det er i søknad mottatt 14.02.2020 søkt om løyve til utslepp av sanitært avlaupsvatn frå gbnr 59/1 og 59/2, Einestrand bustadfelt.

2.Uttale

Kommunen mottok uttale frå **kystverket** 28.02.2020 der dei uttaler følgjande:

«Syner til brev, datert 18.2.2020, vedkomne ovannemnte.

Det vert søkt om utsleppsløyve for auka mengde sanitært avlaupsvatn ved Einerstrand.

Kystverket har ikkje merknader til sjølve søknaden, men ynskjer å påpeike at dersom det er aktuelt å leggje nye avlaupsleidningar i sjø, er dette tiltaket søknadspliktig etter hamne- og farvasslova.

Me har ingen vidare merknader til søknaden.»

Mattilsynet uttalar følgjande i epost datert 19.03.2020:

«Mattilsynet viser til søknad om utsleppsløyve frå Einestrand bustadfelt som vi har fått til uttale den 18. februar. Vi beklagar at vi er eit par dagar på etterskot med uttalen vår.

Vi ser at Blom Fiskeoppdrett AS sin lokalitet 13704 Vikane vert liggande i nærleiken av utsleppspunktet.

Mattilsynet vurderer det slik at eit utslepp frå slamavskiljar som omsøkt ikkje vil kome i konflikt med god fiskevelferd.

I samanheng med etablering av akvakulturanlegg, må mattryggleik vurderast individuelt med omsyn til t.d. avstand til utslepp av kloakk eller andre forureiningskjelder. Ei slik vurdering må også gjerast i dette tilfellet, med tanke på eventuelle konsekvensar av eit utslepp frå slamavskiljar i nærleiken av det allereie etablerte matfiskanlegget. Dersom utsleppet skulle føre til forureining av matfisk, vil dette få konsekvensar for oppdrettar eller slakteriet som skal slakte fisken. I dette tilfellet er det overflata til fisken som vil kunne vere utsett for forureining frå vatnet.

Vi vurderer totalt sett risikoen for forureining av fisken i det nærliggande oppdrettsanlegget som liten.

Risikoen vil vera større i tilfelle der utsleppspunkt t.d. ligg i nærleiken av slaktermerdar ved slakteri.

Mattilsynet vil likevel anbefale at utsleppspunktet vert lagt med lengst mogleg avstand frå oppdrettsanlegg, og så djupt som mogleg for å minimere risikoen ytterlegare. Utlegging av avlaupsleidning bør gjennomførast i samråd med eigar av matfisklokaliteten.»

Fiskeridirektoratet har i brev datert 19.03.2020 uttalt:

«Vi viser til brev frå Masfjorden kommune datert 25.02.2020 angående utslepp av sanitært avlaupsvatn på gnr. 59 bnr. 2, Einestrand bustadfelt.

Rolle, ansvar og medverknad

Fiskeridirektoratet er styresmaktene sitt rådgjevande organ innanfor fiskeri- og havbruksforvaltninga. I saker som får følgjer for desse næringane er det vårt ansvar å sikre deira interesser samstundes som vi skal sikre omsynet til det marine biologiske mangfaldet. Dei marine leve- og oppvekstområda, som til dømes gytefelt, er særleg viktige å ta vare på, slik at komande generasjonar også kan hauste frå havet.

Om søknaden

Søknaden gjelder nytt utslipp av sanitært avlaupsvatn til sjø for ca. 20 heilårsbustader. Utslippspunkt er oppgitt å vere minst 2 meter under lågaste vasstand, med utsleppsstørrelse på ca. 100 personekvalienter (pe). Reinseanlegget er av typen slamavskiller.

Uttale frå Fiskeridirektoratet region Vest

I Fiskeridirektoratet sitt kartverktøy Yggdrasil er det kartlagt fiskeriinteresser og marint biologisk mangfald i området. Det er registrert fiskeplassar med både aktive og passive reiskap etter makrell, sei og lange i Austfjorden. Vidare er det registrert eit lokalt viktig gytefelt for torsk i Austfjorden.

Det ligg ein oppdrettslokalitet ca. 300 meter frå land/bustadfeltet. Vi kan ikkje sjå at det går fram av søknaden kor langt utsleppsrøret strekker seg frå land og ut i sjø. Av omsyn til matsikkerhet bør rette instans (Mattilsynet) vurdere problem i forhold til sanitærutslepp nær eit oppdrettsanlegg for matfisk. Innehavarar av oppdrettsanlegget (Blom Fiskeoppdrett AS og NOFIMA AS) bør også få høve til å uttale seg, sidan dei er naboar på sjøsida.

Vidare må ein unngå at utsleppsleidninga vert hengande oppe i vassjiktet, og ein må nytte lodd eller fester som fiskereiskap ikkje heftar seg i. Utlegging av utsleppsleidning bør skje utanom gytetida til torsken, som er frå og med februar til og med april. Når leidninga er lagt ut må eksakt plassering meldast inn til Statens Kartverk Sjø for registrering i offentleg tilgjengeleg kart.

Elles meiner vi at kartdokumentasjonen til søknaden var heller mangelfull.

Utsleppspunktet til sjø burde vore synleggjort betre (røret ser ut til å strekke seg utanom kartutsnittet) og det hadde vore praktisk med eit oversiktskart.

Vi ber om kopi av vedtak i saka.»

Fiskarlaget Vest AS uttaler i brev dater 17.03.2020:

«Generelle merknadar

Fiskarane opplever ein stadig større konkurranse om areala, særleg i kystsona. Ein vil peike på at fiskarane i utgangspunktet er positivt innstilt til anna næring og aktivitet, men fiskeri og andre næringar har eit heilt ulikt forhold til bruk av sjøareal. Andre næringar har behov for nye/større sjøområde, medan fiskerinæringa

er avhengig av å ta vare på viktige eksisterande fiske-, gyte- og oppvekstområde. Eksempel på konfliktområde er; oppdrett (areal og utslepp av spillfôr/feces/ lusemidlar), vindmøller til sjøs, reguleringsplanar ut i sjø (friluftsområde i sjø, flytebyggjer, m.m.), ankring, avlaups-/vassleidningar, kablar, fritidsinteresser (båttrafikk, fritidsfiske).

Mange meiner at eitt lite enkelt prosjekt ikkje kan skade, men mange nok slike så avgrensar ein tilgjengeleg areal for fiske bit for bit. Det er viktig at tilhøva blir lagt til rette slik at norske fiskarar fortsatt kan skape verdier av fiske for spesielt kystsamfunna våre. «Sjøvern» er like viktig for fiskerinæringa, som «jordvern» for jordbruk.

Einestrand

Det er her søkt om utslepp av sanitært avlaupsvatn for 20 bustadar, ca 100 personekvivalentar.

Ifølgje Fiskeridirektoratet sin kartdatabase er utsleppsområdet i eit registrert gytefelt, og registrert område for aktive og passive fiskereiskap. Det blir òg fiska i område som ikkje er registrert då ein har «nye» fiskeri som t.d. leppefisk og kreps.

Når det gjeld vurdering av forureininga må rette styresmakt sjå eit større område under eitt, og ikkje kvar einskild sak for seg. Ein føreset at utsleppet er tilstrekkeleg reinsa og straumtilhøva ved utløpet i sjø er tilstrekkeleg gode for spreining av utsleppet. Utsleppet må ikkje har negativ innverknad på det marine miljø. Ein må unngå heng på leidninga, og det må nyttast fester som fiskereiskap ikkje heftar i. Det må heller ikkje vere ankringsforbod i området.

Fiskarane fråskriv seg alt ansvar for skade på leidningen om ein under fiske skulle vere uheldig å setje seg fast i leidningen. Fiskarane må få erstatta eventuell skade på fiskereiskap.


Til slutt gjer ein merksam på at fiskerinæringa er basert på fornybar biologisk produksjon, og er derfor grunnleggjande avhengig av eit reint og produktivt kyst- og havmiljø mest mogeleg fritt for miljøgifter, framandstoff og legemiddel. Ein har eit stort felles ansvar, både nasjonalt og internasjonalt, for å oppretthalde eit reint og produktivt hav. Det er avgjerande for kvalitet, omdøme og marknadsverdi for norsk sjømat.»

3.Fakta

Saka gjeld søknad om utsleppsløyve frå gbnr 59/1 og 59/2, Einestrand bustadfelt.

Det er i delegert vedtak saknr 180/2019 datert 09.01.2020 gjeve løyve til etablering av veganlegg og vatn- og avlaupsanlegg på gbnr 59/1 og 59/2, Einestrand bustadfelt.

Avlaupsanlegget er dimensjonert i storleik i antall personekvivalenter 100 pe. Dette tilsvarer omlag 20 bustadhus.



Kartet over viser Einestrand bustadfelt der ny leidning for utslepp er markert med grøn linje

4.Vurdering

Søknad om utsleppsløyve kan etter kommunen si vurdering godkjennast slik den ligg føre.

5.Konklusjon

Søknad om utsleppsløyve frå gbnr 59/1 og 59/2, Einestrand bustadfelt vert godkjent som omsøkt jf.vedtak.